

Neishuda en 1992 ena Val d'Aran, tostem m'è considerat ua apassionada deth mèn país e ua bona defensora dera mia lengua.

Es prumèri passi en favor der aranés ja les dè de mainada, quan en bèra ocasion me calec anar a arremassar bèth prèmi de poesia e narracion en concors literari de Mossen Condò Sambeat.

En 2016 arthení eth grad en Periodisme + International Media Program pera Universitat de Navarra. A nivèu de formacion, tanben è arthenhut eth nivèu auançat C1 autant en lengua aranesa coma en lengua anglesa.

È trabalhat en mon deth Marqueting Digitau e tanben coma periodista en Lhèida Television, ua etapa a on redigia era revista *Aué* e contenguts audiovisuaus, tostem ena mia lengua aranesa.

Pendent era mia trajectòria, è amiat a tèrme revirades e correccions en aranés damb diuèrses entitats e è participat damb er Institut d'Estudis Aranesi-Acadèmia Aranesa dera Lengua Occitana en projècte *Recuelh de memòria orau dera Val d'Aran*.

Era mia experiéncia professionau tanben a passat pera Administracion Publica, a on è trabalhat en Foment Torisme Val d'Aran, en Consòrci Leader Pirenèu Occidentau coma tecnica d'ajuts, e tanben en Conselh Generau d'Aran coma tecnica d'Administracion Generau e coma tecnica lingüística en Departament de Lengua e Cultura.

Ath delà, sò professora des còrsi d'Aranés entà adults qu'organize eth Conselh Generau d'Aran.